

BOKN BYGDABLAD

NR. 1 - FEBRUAR 1996 - ÅRG. 11

UTGJEVAR.: BOKN KOMMUNE

RATTSØUTVALET VIL REDUSERA STATSTILSKOTET TIL BOKN MED 1/3

Dersom det såkalla Rattsøutvalet si innstilling skulle bli vedtatt uendra i Stortinget, ville Bokn kommune sine inntekter frå staten etter nokre år bli redusert med ca. 3,6 mill. kroner årleg. Første år ville nedskjeringa bli på kr. 720.000, for så å enda opp i 3,6 mill. kroner etter 5 år.

I 1996 fekk Bokn 11,44 mill. kroner i statstilskot, altså ville Rattsøutvalet skjera dette til 7.84 mill. kroner.

Når ein veit at kommunen i dag har problem med å få endane til å møtast, skjønar ein godt at ein slik reduksjon vil bidra sterkt til at små kommunar blir tvinga til å gi opp sjølvstendet sitt. Ikkje før var Christiansen-utvalet sin rapport vedrørende kommunesamanslåingar lagd død før eit nytt utval foreslår som så mykje mindre til dei minste kommunane at desse ikkje kan oppretthalda eit akseptabelt service-nivå om utvalet sine forslag skulle gjennomførast slik det ligg føre.

Bokn kommune saman med 6 andre mindre kommunar i Rogaland har vore blant initiativtakarane til å diskutera felles strategi etter at Rattsø-utvalet si innstilling låg føre. Kommunane er Kvitsøy, Utsira,

Forsand, Rennesøy, Finnøy, Bjerkreim og Bokn.

Ordførar Sigrunn Hole Hosaas seier at det sikkert kan stemma at det er ein del kommunar som i dag får for lite midlar i forhold til dei oppgåvene dei skal løysa. Det er ikkje dette småkommunane reagerer på. Tvert imot - det er nok nødvendig å retta slike ting opp. Men når konsekvensen av at desse skal få meir blir at servicetilbodet i dei små kommunane blir så skadelidande, vil det medføra at det som over tid er bygd opp, vil forsvinna att. For Bokn sin del vil det føra til ei sterk nedbygging av det tilbodet vi har innan t.d. skule, barnehage og eldreomsorg og andre kommunale tilbod. Kva blir konsekvensen for busetjing og verdiskaping i ditrikta? Dei kommunale service-tilboda er lojalt oppbygde etter oppmodingar og pålegg frå staten. Ein må nå setja lit til at innstillinga vert sterkt endra før ho vert endeleg vedtatt. Dette må til dersom distrikta skal ha skikkelege levevilkår. Sigrunn Hole Hosaas seier at innstillinga slik ho ligg føre i dag, vil berøra dei fleste innbyggjarane

framh. s. 2

RATTSØ-UTVALET..framh.

direkte dersom ho vert gjennomført utan at småkommunane får større overføringar enn det som er lagd opp til.

Etter at innstillinga nå har vore debattert i media ei tid, er det ei rekkje ordførarar frå distrikts-Norge som har kome med klar beskjed om kva konsekvensene vil bli i distrikta ved ei slik omlegging av

18 ÅRS GRENSE PÅ DANS

Retting

I Bygdablad nr. 10 - 1995 hadde May Jorunn Vatnaland ein artikkel om dette. På slutten av artikkelen sto fylgjande:

«Dei som stiller opp som vakter får som ei lita oppmuntring invitasjon til neste dansen vår m/fylgje. Me er veldig taknemlege for dei gode vaktene me har hatt. Dei gjer ein flott innsats. Dessverre er det få som stiller opp igjen...»

Siste setning er feil. Rett setning skal vera:

«Dessverre er det ofte dei same som stiller opp igjen..»

Bygdabladet beklagar feilen som var komen inn og gjorde at setninga fekk ei anna betydning enn det som opprinneleg var skrive av May Jorunn Vatnaland. (Red).



inntektsfordelinga frå staten, og m.a. kommunalministeren har kome med formuleringar i retning av at det endelege resultatet av innstillinga vil bli endra slik at distriktskommunane skal kunna 'overleva'. Kva som ligg i dette er nok vanskeleg å vita, og distrikts-Norge må nok bruka tida godt framover mot våren før trådane skal samlast hos dei sentrale styresmaktene.

DANSEN DEN 28.10.95

(Lesarinnlegg)

STYRET I BOKN IDRETTSLAG
V/ MAY JORUNN VATNALAND

Eg vil bare komme med ein kommentar til henne om aldersgrensen også. Etter klokken 24.00 var aldersgrensen fritt fram. Forresten var den brutt før den tid også. Og det var også opptøyer utenfor. Hvor var fru Vatnaland da når hun kan påstå at det ikke var opptøyer ute. Når det gjelder stjalne jakker. Gjør som nå. Ta betalt for og heng bort jakkene. For da har han som står der ansvaret for klærne som henger der.

Hilsen Gerd H. Thuestad

SVAR TIL GERD.H. THUESTAD

Innlegget mitt i forrige bygdablad om dansen 28.10.95 bygde på opplysningar frå vakter som orienterte meg om at det hadde godt greit.

May Jorunn Vatnaland

LIKEVEL IKKJE PERMITTERINGAR VED BOKN PLAST

Bokn Plast som hadde sent ut permitteringsvarsel for 50% av arbeidstida til dei tilsette frå romjula og ut mars 1996 har trekt varselet tilbake.

Einar Vetvik ved Bokn Plast seier til Bygdabladet at dei vil prøva å avvanta situasjonen, og dei håpar dei slepp å setja i verk permitteringar.

TRIVSEL I BIBLIOTEKET

Høgaste utlånsauke i fylket i 1995


Bokn Folkebibliotek hadde ein fin auke i utlånet i 1995. Auken var på heile 53%. Dette resulterte i at biblioteket i Bokn nå er kome over gjennomsnittet i fylket når det gjeld utlån pr. innbyggjar. Det vil seia 6,8 bok pr. 'håve'. Totalt vart det i 1995 utlånt 5.249 bøker, litt meir enn det som tidlegare er opplyst i media. 2.549 av desse bøkene vart lånte av ungar, og dette synest biblioteksjef Linda Ognøy godt om. Ho seier at skulen er blitt flinkare til å bruka biblioteket det siste halve året. Etter kvart skal skulebiblioteket inn i folkebiblioteket.

Linda Ognøy seier til bygdabladet at ei av årsakene til auken er at biblioteket i slutten av mars månad i fjor innførte datasystemet 'Media' som inneber at bøkene kjem raskare i omløp enn tidlegare, og fleire får låna populære bøker i og med at det automatisk blir utsent purring når lånetida er ute. Det betyr at folk slepp å venta så lenge på dei mest etterspurde bøkene som tidlegare p.g.a. betre sirkulasjon. Dei fleste

biblioteka opplever at innføring av datasystem medfører auke i utlånet.

Linda Ognøy seier at biblioteket her i Bokn ikkje på langt nær får så mykje midlar til rådvelde pr. innbyggjar til bokkjøp som dei andre minste kommunane i fylket. Ho håpar difor dette kan betra seg.

Etter at biblioteket har åpna dører permanent til Allrommet, har ein fått betre plass. Biblioteksjefen seier at nokre reolar skal inn på Allrommet når det er kome hjul på dei. Det vil då bli meir rom og plass inne i sjølve biblioteket, noko som særleg vil gjera forholda betre for dei yngste. Ved arrangement i Allrommet kan dei trillast inn i biblioteket.



LIKEVEL FOTPLEIE-TILBOD

Ved at kommunen tok bort støtten til fotpleie, vart det frå januar 1996 slutt på det fotpleie-tilbodet som kommunen har hatt gjennom mange år, og den fotterapeuten som kommunen hadde avtale med slutta. Frå 7.februar blir det likevel fotterapi i kommunen. Rita Jensen som bur i kommunen vil starta opp med fotterapi kvar onsdag. Vidare har Bokn sanitetsforening vedtatt at dei skal inn og subsidiera prisen pr. behandling for pensjonistar. Det er difor truleg at prisen for pensjonistar blir omtrent den same som før. Rita Jensen som er utdanna fotterapeut vil ha praksisen sin i Boknatun på same stad som det foregjekk tidlegare. Ho vil gi tilbod kvar onsdag etter bestilling. Ho meiner at det nok er noko større behov for fotterapi enn det som har vore tidlegare, og vil difor prøva å gi eit betre tilbod enn det som har vore før. Fotterapi er ikkje noko lovpålagd teneste som kommunane må ha. Det er likevel ei teneste som mange set

umåteleg stor pris på. Plager som folk kan gå rundt med kan vera hard hud, torner, inn/nedgrodde negler, deformerte (tjukke,svampaktige) negler, vorter, sopp, skeive stortåledd m.v. Det er ingen grunn til å akseptera slike plager. Vonde føter finn ein både hos kvinner og menn, og i alle aldrar.

Ein fotterapeut kan gjennom behandling gi hjelp til dei som er plagta av vonde føter. Om ikkje alle plager kan ordnast for alltid, kan fotterapeuten hjelpe til slik at ein kan leva med ei plage på einmindre smertefull måte ved å gi behandling og forebyggja vidare utvikling av plagene. Mange er ikkje klar over at det er behandling å få for vonde føter, og trur at dei er aleine om slike lidingar.

Føtene er dert viktig å ha i orden og føla velvere med. Dei har heile kroppstygda på slita med, og dei som har prøvd det har erfart at det gir velvere i heile kroppen å få stelt føtene når dei er vonde.

LYNGBRANN

Torsdag den 25.januar braut det ut ein hissig lyngbrann mellom Hognaland og Are. Brannvesenet i Bokn foretok utrykking, og fekk kontroll på elden etter ei tid. Brannsjefen opplyser at det blei svidd av ca. 50 mål.

Brannsjef Hans Faye seier at i det tørre veret skal det lite til før open eld kan ta overhand. Det skal meldast frå til brannvesenet dersom ein har planar om å brenna. Det vert då gitt melding frå kommunen sitt brannvesen til den interkommunale sentralen i Haugesund. Dei får av og til meldingar t.d. frå fly som observerer brannar, og då kan det vera greit å vita om dette er ein planlagd, kontrollert brann. I Bokn er det mange som nå melder frå når dei skal svi av lyng eller andre større ting dei skal brenna.

HAR DU SLEKTNINGAR SOM BRUKAR PLEIE- OG OMSORGSTENESTENE I BOKN?

Det har vore vist interesse for å danna ei pårørandeforening for pasientar ved sjukestova og i heimesjukepleien. Det er vanleg at sjukeheimane har ei slik forening. I Bokn er drifta av den heimebaserte omsorga så nær knytta opp til sjukestova si drift at det hadde vore hensiktsmessig med ei pårørandeforening for begge kategoriar pasientar. Pasientane ved sjukestova bebuarrepresentasjon i styret for institusjonen, som no er Driftsstyret. Denne talsrepresentanten skal veljast av pasientane sjølve, og dei kan anten velja ein bebuar, pårørande, verge eller andre som nemnt i 'Forskrift for sykehjem og boform for heldøgns omsorg og pleie'.

Har du slektningar som er pasientar ved sjukestova eller i heimesjukepleien i Bokn, er du med dette invitert til møte med føremål å danna ei pårørandeforening:

ALLROMMET, BOKNATUN, ONSDAG 14. FEBRUAR KL. 19.00

Eva Brunborg Svendsen har erfaring frå slik pårørandeforening, og vil på møtet orientera om dette.

Pleie- og omsorgssjefen

MINNEORD

Ingebjørg Ognøy, f. Øvrebø er død, 66 år gamal.

Foreldra hennar var Karen, f. Borgenvik og Sevrin Øvrebø. Dei dreiv gard på Øvrabø på Austre Bokn. Dei hadde 3 døtre, og Ingebjørg hadde ei eldre og ei yngre søster som begge bur i Bokn.

Ingebjørg arbeidde i yngre år både i Fana ved Bergen og i Stavanger. Elles var ho også mykje heime for å hjelpa foreldra då mora var ein del sjuk.

Ho vart gift med Paul Ognøy i slutten av 1950-åra, men han omkom kort tid etter. Dei fekk ein son som har overtatt garden.

Opp gjennom åra etter at ho vart enke budde ho på heimagarden med sonen sin. Ho stelte også for foreldra sine så lenge dei levde. Etter dei var døde dreiv ho garden aleine nokre år. Ho var aktivt med i misjonsforeninga til Det Norske Misjonsselskap, og hjalp også til når mora skulle ha forening. Utanom at ho hadde eigen son og foreldre som ho tok seg av, var ho også seinare til stor hjelp hos andre i slekta som trong ei hand. Ho var eit uvanleg godmenneske, stillfarande, flittig og arbeidssam.

Ho var svært glad i barnebarna som det nå er blitt 3 av. Dei to største passa ho mykje. Son, svigerdotter og dei tre barnebarna bur nå på heimagarden.

IVAR AASEN-KVELD

Torsdag den 15. februar vert det Ivar Aasen-kveld kl. 19.30 i Litlesalen på Tysværtunet.

Det er Karmsund Mållag og Tysvær folkebibliotek som står som arrangørar.

Dei innbyr alle til hyggeleg samkome der Jens Kåre Engeset held festtale. Finn Møllerhaug syng Aasen-songar med Tonefylgje av Andre Møllerhaug. Vitjing av Ivar Aasen ved Sigmar

Myhre. Allsong - matpause - svingom til tonar av Tysvær trekkspelklubb.

Utstilling i Tysvær folkebibliotek av Aasen sine skrifter og stoff om han frå 1. februar.

Vel møtt!

Tilskipinga er gratis!



BOKN KOMMUNE

KULTURKONTORET

4290 BOKN

TLF 52 74 85 00

FAX 52 74 86 77

UNGDOMMENS KULTURMØNSTRING

Den kommunale mønstringa gjekk av stabelen 27. januar på skulen. I år var det 6 sceneinnslag fordelte på 19 deltakarar samt eit maleri. Og denne gong hadde med fagpersonar i juryen: Venevil Birkelund/Anne Jorunn Sjurseth, musikk - og Solveig Våga Loten/Jorunn Schmeichler, drama.

Starten på arrangementet blei kanskje litt oppjaga p.g.a. at representantar frå Haugesunds Avis hadde det travelt, og ville få med så mange innslag som mogleg før dei måtte til ei anna mønstring. Lyden var ikkje innstilt på førehand, og me fekk nokre tekniske problem. Dette er ting som juryen sjølv sagt ikkje tar hensyn til når dei vurderer innslaget. Konferansiéren gløymde ein del opplysningar i samband med introduseringa, men stort sett fekk me den godt besøkte mønstringa vel i hamn.

Desse var i aksjon:

Marie Frøiland - song
Marie Vatnaland - song
Alexander Vila - keyboard
Camilla Birkeland - keyboard
Kristina Faye - bass/song

Sindre Nygaard - trommer

Innslag:

Har du hørt historien? - trad.
Strandå - Marie Frøiland

Kjartan Jensen - keyboard
Synnøve Frøiland - song

Innslag:

Savner deg - Kjartan Jensen

Bianca Alvestad - song
Daghild Grønnestad - keyboard

Innslag:

Maybe - Frå *Annie*

Geir Helge Christiansen - gitar

Innslag:

Hotel California - Eagles
Brølet - Maleri

Monica Lindanger
Ellen Elise Ognøy
Susanne Grønnestad
Kirstin Hosaas
Synnøve Frøiland
Cecilie Larsen
Nina Alvestad
Hanna Aksdal
Elise Marie Tollaksen

Innslag:

På skulen - Sketsj

Ungdommens kulturmonstring er delt inn i fleire ledd:

- * Kommunal monstring - januar
- * Fylkesmonstring - mars
- * Turné - april
- * Landsmonstring - mai

Det er sjølvsgatt den kommunale monstringa, der alle er med, som er den viktigaste. Dessverre får ikkje kommunen meir enn 15 minuttar brutto på fylkesmonstringa, og juryen må plukka ut dei innslaga som skal representera Bokn. Juryen har også som oppgåve å gi deltakarane tilbakemelding i form av konstruktiv kritikk. Innslag frå Bokn kan også koma med på turnéen i april.

Fylkesmonstringa 1996 blir i Storstova på Jæren som ligg på Bryne. Dette skjer 9. og 10. mars. Arrangementet har vakse seg stort etterkvart, og dei som skal vera med får beskjed om det meste i god tid. Foreldre vil også bli kontakta når det gjeld dei som skal vera med som

leiarar. Det er også anledning for andre boknarar å ta turen til Bryne for å sjå korleis det går med programmet frå Bokn.

Juryen har sett saman fylgjande program:

- * *Strandå*
- * *Savner deg*
- * *Maybe*
- * *Hotel California*

- * *Brølet (maleri)*

Me ynskjer lukke til!

Og til dei som ikkje blei plukka ut:

Les jury-kommentarane nøye, og kom sterkare igjen neste gong!

Takk til alle som var med og gjorde at den kommunale monstringa blei avvikla på ein god måte!

KULTURKALENDEREN

for våren 1996 blei sendt alle husstandar på nyttårsafta i fjor. Dersom nokon av ein eller annan grunn ikkje har mottatt kalenderen kan dei ta kontakt med kulturkontoret.


Me fekk ein del eksemplar denne gong frå trykkeriet, og dei som måtte ha behov for fleire kalenderar kan få dette.

- kulturleiaren -

TORANESET


Renovasjonsselskap

Toraneset Renovasjonsselskap er eit interkommunalt selskap for kommunane Bokn, Ene, Iysvær, Vindafjord og Ølen. Selskapet driv renovasjonsplass, administrerer innhenting av forbruksavfall, set i verk - og utfører gjenvinningstiltak i kommunane. Selskapet har fire filsette og jigg i Skjold i Vindafjord kommune.



INFORMERER

Sorteringsstasjon



Renovasjonsplassen er driven som kontrollert hylling og tek imot hushaldningsavfall, næringsavfall, avtarna slam og spesialavfall frå medlemskommunane.

På plassen er det opparbeidd sorteringsstasjon der private og industri sorterar ut trevirke, greiner, kvister, metall samt fraksjonar som papir, glas, spesialavfall osv. Det er gratis å levera grovavfall frå hushaldningar som kjem med privatbil m/tilhengar, mindre varebil eller pick-up.

NB! GROVAVFALL SKAL IKKJE KASTAST I «HYTTECONTAINARANE»

Bildekk og bilbatteri skal leverast til forhandlarane (bensinstasjonar o.l.)
BILDEKK ER ULOVLEG Å DEPONERA PÅ RENOVASJONSPLASSEN

Oversikt over samlestasjonar

	Papir	Restavfall	Glas	Tøy	Drikkekartong
Bokn:					
Føresvik kai	x	x	x	x	x
Bokn H-lag					
Iysvær:					
Aksdal Senher	x	st.	2x	x	x
Bredar. Lundal	x	x	x	x	xx
Iysværvåg br.	x	x	x	x	x
Askvik, Hind.	x	x	x	x	x
Skjoldstr. bru	x	x	x	x	x
Nedstrand kai	x	x	x	x	x
Hervik v/Rom	x	x			
Førre skule			x		

Det er utlevert omlag 70 behalderar for drikkekartongar på skular og barnehagar. Det er bestilt og skal leverast ut 25 papirkont. på skulane.



Selskapet har etablert fylgjande innsamlingsordningar:

SPECIALAVFALL: Spezialavfallsbil køyrer rundt i kommunane to gonger i året og samlar inn spesialavfall frå private

VÅROPPRYDDING: Kvar vår køyrer ein rundt og samlar inn grovavfall frå hushaldningar

LANDBRUKSPLAST: Landbruksplasten blir samla inn frå tilviste plassar to gonger i året.

RISIKOAVFALL: Risikoavfall blir samla inn frå legekantar, sjukeheimar osv. og levert til Fylkessjukehuset i Havggesund

GJENVINNING: Toraneset Renovasjonsselskap baserer innsamlinga av fraksjonar som kan gjenvinnast, frå samlestasjonar som er utplasserte sentralt i kommunane.

HUSSTANDSPAPIR: (Aviser, ukeblad, reklame og papir) blir samla inn og levert til Fretex på Karmøy

PAPP / PAPIR: frå næringslivet blir samla inn av Fretex.

GLAS: (ikkje porselen og keramikk): blir samla inn og levert til Moss Glassverk.

DRIKKEKARTONGAR: blir samla inn og levert til Fretex på Karmøy

TØY: blir samla inn av Fretex. NB! Tøyet som kastast må pakkast inn




Opningsstider på renovasjonsplassen: Månd, tysd. onsd. og fredag:

08.00 - 15.00

Torsdag 08.00 - 19.00

Laurdag STENGT



Har du spørsmål om ordninga kan du ringje Toraneset Renovasjonsselskap tlf. 53 76 24 74 fax: 53 76 26 27

BOKN MUSIKKORPS

Den 18. januar 1996 var det årsmøte for fyrste gong i Bokn musikkorps.

Årsmelding og rekneskap frå Bokn skulekorps og Bokn Brass blei gjennomgått for siste gong - samstundes som vedtekter for det nye korpset stod på sakslista. Desse vedtektene tok utgangspunkt i dei gamle frå skulekorpset og er tilpassa Bokn musikkorps, som får amatørkorpsstatus. Når vedtektene er godkjende av Norges musikkorpsforbund, vil dei bli utdelte til alle medlemmene.

Det fyrste styret i musikkorpset blei:

- * Ingebjørg Larsen
- * Annleif Sæb

- * Sølvi Tollaksen
- * Øyvind Børgesen
- * Ein repr. frå driftsstyret

Vararepr.:

- * Randi Nilssen
- * Elly Borgenvik

Årsmøtet gav styret fullmakt til å konstituera seg når representanten frå kommunen er vald.

Det var ein god tone på årsmøtet, og både styret og musikantar kan sjå lyst på framtida med eit nytt korps der økonomien er god og arbeidstilhøva ryddige. Med dette er sannsynlegvis Bokn kommune sikra korps i lang tid framover.


KULTURMIDLAR

Ein vil i desse budsjett-tider opplysa om at samtlege som kjem til å søkja om kulturmidlar seinare i år, MÅ leggja fram avskrift av budsjett for 1996. Forandring av søknadsskjema i kulturstyresak *Kult. 13/95* er bakgrunn for denne påminninga. Lag og organisasjonar som ikkje fylgjer dette kravet, får ikkje tildelt kulturmidlar.

Kulturmidlane skal etter planen delast ut før 1. juni. Ein vil i samband med søknadskunngjeringa seinare koma tilbake til dei andre krava som kommunen vil stilla for å få kulturmidlar.

Dersom nokon treng hjelp til budsjett-arbeid, kan dei ta kontakt med kulturkontoret.

- kulturleiaren -



**BIBLIOTEKET –
gratis å spørje
gratis å få svar**

OPNINGSTIDER:

TIRSDAG: 10 - 13.30

ONSDAG : 16 - 19.00

TORSDAG: 10 - 13.30

LESETIPS FOR FEBRUAR

BARN/UNGDOM

Belsvik, Rune:
På nippet

Bødtker, Marit:
Kristian til vers

Hauger, Torill T.:
Tord Illugson

Osland, Erna:
Matti og den store
stjernepassaren

Pedersen, Erling:
Hvile i grønne enger

VAKSNE


Ambjørnsen, Ingvar:
Fugledansen

Christensen, Lars S.:
Jubel

Eco, Umberto:
Øya fra dagen før

Eliot, George:
Middlemarch

Nilsen, Tove:
Lystreise



163 MEDLEMMER I IDRETTSLAGET I 1995

Bokn idrettslag si årsmelding for 1995 viser at medlemstalet har gått ned med over 20 frå 1994 til 1995. Likevel har idrettslaget hatt eit bra år med fleire aktivitetar.

Fotball har som tidlegare hatt stor plass. Sjølv om A-laget har hatt ein pause i 1995 er det påmeldt A-lag til 1996-sesongen. Eit anna ballspel som særleg er aktuelt i den mørke årstida er volleyball. Det har vore både damelag, ungdomslag og eit lag for menn.

Idrettsskule/barnetrim har hatt 22 medlemmer fordelt på to grupper. 4 personar har tatt idrettsmerke i 1995. 1995 har elles vore eit år for større marsjar. Vårsleppet blei lagt til Austre Bokn den 23. mars. 57 personar deltok.

Fredsmarsjen den 3. mai gjekk frå Straumen til Klepp. Kjempeflott ver og 82 deltakarar frå skulen på føremiddagen og 58 deltakarar om ettermiddagen i eit fantastisk vårver gjorde marsjen til ei fin oppleving.

Firebruersløpet/bruamarsjen gjekk den 25. juni med 341 deltakarar, som var ein liten auke frå året før. Kjempeflott ver også denne dagen.

Elles arrangerte idrettslaget to dansetilstellingar i 1995, og to bingoar. På årsmøtet i idrettslaget 22. januar 1996 vart dette styret vald for 1996:

May Jorunn Vatnaland - formann
Steeven Høyland - materialforvaltar
Helge Kristian Nilssen - kasserar
Arne Hosaas - ungdomsrepresentant
Trond Almås - styremedlem
Liss Sæbø - sekretær (ny)

Otto Fostenes - vararepr.
Trond Foss - vararepr.(ny)
Tor Harald Alvestad -vararepr.(ny)
Oddrun Nilssen gjekk ut av styret, og Liss Sæbø og Ragnhild Trosnavåg gjekk ut som vararepresentantar.

Rundt 20 medlemmer møtte på årsmøtet. Vanlege årsmøtesaker vart behandla. Det vart orientert om fotballen i 1996 kor det er påmeldt mini/mix-lag, Lillegutt, Smågutt og Guttelag. I tillegg til dette A-lag. Det er problem å få tak i trenarar til alle. Det er elles ynskje om oppstart av handballtrening då ein del jenter er interessert i dette og må køyra til Falkeid for å treni. Dett vil bli undersøkt om det kan bli trening i Bokn.

Medlemskontigent:

Passiv/støttemedl.: kr. 50,-
Aktivbarn/vaksen: kr. 100,-
Familie (1 husstand) kr. 300,-
A-lags-spelar: kr. 250,-
Medlemskortet vil i år henga ved postgiroinnbetalingslipp som blir sendt ut i februar/mars. Alle husstandar vil få tilbod om medlemskap - og nye medlemmer er velkomne.

Det er avtale med Lasse Sport om 20% avslag på fotballar, joggesko og treningsutstyr og 10% på anna utstyr for medlemmer.

Barnetrimmen er starta opp igjen
tysdagar. 3 - 5 år: kl.16.00 - 16.45
5 - 7 år: kl.16.45 - 17.30
Magny Frøyland er leiar for dette.

Aerobic på Bokn skule måndagar kl.
20.30 - 21.30 starta 29.01 og vil gå 8
gonger fram til påske. Pris: kr. 150,-.

Volleyballtrening måndagar for ungdom,
tysdagar for menn og onsdagar for damer.

Trim for eldre kan startast dersom fleire melder seg på til styret (May Jorunn Vatnaland).

SYKKELHJELM funnen i uåpna
eske ved vegen på Alvestad.
Tlf. 52 74 82 95

BOKN I HANDBALLFINALE

Torsdag 18. januar spela jentene i 4. og 6.klasse på Bokn skule finale i handball mot jentene i 6.klasse på Hundvåg skule. Kampen blei spelt i Mastrahallen på Mosterøy.

Nervane var i høgspenn då jentene kom ut på banen, og det blei ikkje betre då dei fekk vita at 'Stavanger Aftenblad' var til stades.

Hundvåg byrja best og leia 5-2 etter halvspelt førsteomgang. Jentene frå Bokn klarte å ta seg opp, og før andreomgang var stillinga 6-6.

I andre omgang stod kampen og vippta. Men jentene frå Bokn var trøytt etter ein veldig god førsteomgang, og klarte ikkje å halda tempoet oppe.

Kampresultatet vart 7-11 til Hundvåg. Men likevel ein god andreplass i turneringa. Dette er første gong Bokn har kome til ein finale i det heile tatt!

Og me må berre ta med at jentene er fornøgde med andreplassen og den fine plaketten dei fekk.

Elev i 6. klasse.

KEYBOARD

Det er i musikkskulen ledig elevplass på keyboard onsdagar mellom kl. 14.30 og 15.30. Du får 30 min. eineundervisning og treng ingen forkunnskaper.

Meir informasjon får du hos Jardar, som også er læraren på instrumentet.

TORSKERUSER TIL SALGS

Doble m/4 ringer kr. 700,-

Doble m/3 ringer kr. 650,-

Enkle m/4 ringer kr. 400,-

Enkle m/3 ringer kr. 350,-

Tlf. 52 74 85 46

TIL SALS!

Den gamle, gode VOLVOEN vår er til sals. Bilen er ein 1981-modell, er køyrt 164200 km og har berre hatt ein eigar.

Dette utstyret fylgjer med:

*Radio/kassettpelar - *Tilh.feste

*Lastebøy. - 4 s.dekk./4 piggdekk m.m.

Er nokon interessert - ta kontakt med

Ingjerd & Augustin Thuestad,

tlf. 52 74 83 41

VISDOMSORD

'STERK OG EDEL'

Aldri synes menneskesjelen så sterk og edel som når den gir avkall på hevn og velger å glemme en fornærmelse.

E.H. Chapin

'IKKE BEDRE'

Stor er ikke nødvendigvis det samme som bedre. Solstikker er ikke bedre enn stoler.

Edna Ferber

'KJÆRLIGHET'

Kjærligheten er en frukt som kan høstes til alle årstider og bestandig er innenfor alles rekkevidde

Mor Theresa

TUSEN TAKK!

Pasientane på sjukestova vil retta ein varm takk til Finn Drange for den flotte førjulsmiddagen og god oppvarning. Takk også til Liv Lie som sytte for trygg skyss fram og tilbake.

BOKN MÅLLAG - ÅRSMØTE

Bokn mållag held årsmøte torsdag den 22.februar 1996 kl.19.30 på Allrommet, Boknatun. Songfuglane på Bokn syng Ivar Aasen-songar. Mat og kaffi. Val og vanlege årsmøtesaker.

SLEKTERS GANG

FØDDE:

12.08.95: Nils Bjørn Nilsen og Anne Lise
Trosnavåg Nilsen: **Regine**
30.08.95: Johannes Nilssen og Julianne
Nilssen: **Maria**
07.11.95: Trond Egil Nedrebø og Ellen
Nedrebø: **Henrik**
25.11.95: Per Helge Sunde og Hege
Sunde: **Marianne**
05.12.95: Oddvar Hognaland og Laila
Hognaland: **Oddgeir**
26.12.95: Per Eivind Ognøy og Norunn
Jordbrekk: **gut**

DØDE:

26.07.95:
Oskar Dirdal
06.09.95:
Johannes K.J. Sunde
08.10.95:
Elisa Aakre
23.12.95:
Ingebjørg Ognøy

BOKN KOMMUNE



Sal av kommunal bustad

Kommunen sin bustad på
gnr. 11, bnr. 141 skal seljast. (bustaden
nord for Bokn mek. verkstad).
Bustaden inneheld stue, kjøkken, bad og 3
soverom, vaskerom og bod. Huset har ikkje
kjellar. Leigearalet er på ca. 100 kvm.
inkl. bod og vaskerom. Tomta er ca. 760
kvm.
Bustaden skal seljast til høgstbydande, men
kommunen tek atterhald om å kunna
forkasta eitkvart tilbod. Tilboda skal vera
skriftlege.
Seljar vil betala omkostningane ved salet.
Interesserte kan venda seg til teknisk sjef
for nærare opplysningar og synfaring. Tlf:
52 74 85 00.

Rådmannen

HELSESTASJONSDAG

Måndagar 9 -11.30.
Elles etter avtale.
Marie Løvoll Faye
helsesøster

BOKN KOMMUNE



OPNE KOMMUNALE MØTE:

FORVALTNINGSSTYRET:

14.02., 20.03., 17.04., 05.06., 14.08.,
11.09., 16.10., 13.11., 04.12.

DRIFTSSTYRET:

08.02., 28.03., 18.04.,
09.05., 06.06.

FORMANNSKAPET:

13.02., 12.03., 16.04., 07.05., 14.05.,
04.06.
13.08., 17.09. OG 18.09., 15.10.,
19.11., 26.11., 03.12.

KOMMUNESTYRET:

27.02., 30.04., 18.06.
27.08., 29.10., 17.12

BOKN FYSIOTERAPI

Geir Austvik
tlf. 52 74 85 00

Åpningstider:

onsdag og annankvar laurdag

- Lær avspenning
- Lær gode arbeidsstillinger
- Reduser muskelspenningar
- Få mindre smerter

Ta gjerne direkte kontakt

Bokn Røde Kors

«Den kalde freden»

Bokn Røde Kors hadde innsamling søndag 21. januar, og fekk inn kr. 11. 432,50.

Bokn Røde Kors ga i tillegg kr. 8.000,- slik at samla beløp blei kr. 19.432,50.

Pengane går til kuvøser, ambulanser m.v. i ex-Jugoslavia.

Denne kampanjen i Norges Røde Kors går til midten av februar. Bank- og postgiro nr. 10.

Takk for all støtte.

**BOKN
KOMMUNE**



STØTTEKONTAKT

Bokn kommune har bruk for personar som kan vera støttekontakt for barn og vaksne. Løn etter tariff. Dersom du kan tenkja deg slikt arbeid nokre timar i veka - ta kontakt med Bokn sosialkontor for nærare informasjon. tlf. 52 74 85 00

VOLVO 240

Godt vedl. holdt Volvo 240 GLE 1987 mod. 170.000 km. Nylig bruktbiltestet. Hengerfeste, utetemp. måler, til salgs tlf. 52 74 85 25

Hjertelig takk for oppmerksomheten på vår diamantbryllupsdag

Magnus og Fernanda

Hjertelig takk for oppmerksomheten på 60-års dagen min.

Maud

BOKN BYGDABLAD

UTGJEVAR:

Bokn kommune,
4290 Bokn, tlf. 52 74 85 00
fax 52 74 86 90

Postgirokonto 0806 5 68 45 01
Bankgirokonto 3373 07 00305

BYGDABLADNEMND:

Ingunn Våge, Arvid K. Jøsang
Liv Vatnaland

REDAKTØR: Reidar Alvestad

ABONNEMENT:

Gratis til alle husstandar i Bokn
Utanbygds: kr. 100,- pr. år

ANNONSEPRISAR:

Heilside: kr. 400,-

Halv side: kr. 150,-

¼ side: kr. 75,- 1/8 side: kr. 50,-

Små privatannonsar: kr. 10,-

FRIST FOR STOFF:

Den 20. i kvar mnd. 10 nr. årleg

ARRANGEMENT:

6.,8. og

11.02: Karmsund Indremisj. Bokn
bedehus kl. 19.30

11.02: Sundagsskule i Kyrkjebygd
skule kl. 14

20.02: Speidarbasar, Bokn bedehus

22.02: Møtet avertert av
Israelmisjonen er avlyst.

22.02: Bingo: Arr: Bokn musikkorps

24.02: Dans - Simon & Gardsguten
Arr: Bokn idrettslag

25.02: Sundagsskule i Kyrkjebygd
skule kl. 14

26.02: Årsmøte, Bokn
Sanitetsforening

29.02: Nærbutikkens dag

LENSMANN

*Første fredag i kvar mnd.
kl. 10.00 - 12.00 i Boknatun*

LANDBRUKSKONTORET

Kvar fredag kontordag i Boknatun

Miljøvernleiaren i Bokn har
kontortid måndagar, tysdagar og
halv dag på onsdagar

Ordføraren er å treffa på Boknatun
torsdagar mellom kl. 12.00 - 15.00



04.02 kl.11: Gudsteneste v/vikarprest
Offer til IKO.

18.02 kl.11: Gudsteneste v/Helge
Gaard. Offer til Den Indre
Sjøm.misj. Nattverd.

03.03 kl. 19: Gudsteneste v/Arne
Aurdal. Offer til Arbeid mot
vold. Mark. av Sanitetens 100
års jubileum. Kyrjekaffi.

17.03 kl.11: Fam.gudst. v/ Arne
Aurdal. Offer til Sokner.kassen
Speidarane deltar.

FOTPLEIE

Eg startar opp med fotpleie på
Boknatun på onsdagar frå 7. februar.
For timebestilling ring tlf.52 74 82 95
Ordinær behandling kr. 180,-.
Pensjonistar får redusert pris
gjennom at Bokn Sanitetsforening gir
støtte.

*Rita Jensen
off. godkjent foterapeut*